

Kyrkje blad

FOR GLOPPEN PRESTEGJELD
NR. 6 - OKTOBER - 2000 - 30. ÅRGANG

På ein gravstein frå århundreskiftet ved Vereide kyrkje fann vi denne vesle engelen



Tankar ved Helgemessetider

*Han skal turka kvar tåre
frá augo deira, og döden
skal ikkje vera meir, og
ikkje sorg og ikkje skrik og
ikkje pinsle. For det som før
var, er borte.*
(Op. 21.4.)

I desse dagar vandrar vi i tankane mot Helgemesesøndagen. Nokre har det siste året mist ein dei stod svært nær og har samsette kjensler med tanke på nettopp denne søndagen. For siste gong skal namnet hans/hennar bli nemnt i kyrkja. Greier eg å gå dit? Kva om eg bryt saman? Tårekjelda kjennast breiddfull.

Vi har hørt orda frå Openberringa om at tårene skal bli turka bort. Tanken veit det, men kjenslene reagerer ikkje alltid slik tanken vil. Sorga

er der, eller slik som Stig Dagerman seier det: «Ty det er inte sant att tiden lårar alle sår.»

I ein samtale fekk eg eit døme på dette:

«Eg vil sjølvsagt at borna mine skal gifte seg, men eg kvir meg så til bryllaup.» Ho som sa dette hadde mjst mannen 16 år tidlegare. Å ta del i festlege samkommer var framleis vanskeleg. Saknet vart så tydeleg midt i all glede.

– og ikkje sorg - men mi sorg skugger for desseorda.

– og ikkje skrik - «Har du fått ut skriket?» Dette var spørsmålet ei kvinne fekk. Dotra hadde gjort slutt på livet sitt ei tid tilbake. Skriket vi vli få ut, har kanskje mange adresser: Gud, menneske, oss sjølve.

– og ikkje pinsle - Dei vonde kreftene som tok vår kjære frå oss, skal overvinnast. Det er det sentrale i tekstar for Helgemessesøndagen.

Korleis skal eg greie å gå til kyrkje denne dagen når plassen ved sida av meg på benken er tom? Vil eg greie å gå fram til nattverdbordet?

Aldri er vel symbolikken med den synlege og den usynlege altarringen sterkeare enn denne dagen.


Nattverden er gjeven til trøyst og von.

I sorga er det mange private dagar det er tungt å kome gjennom. Det kan til dømes vere fødselsdag, bryllaupsdag, dagen for dødsfallet. Det er godt at kyrkja har ein søndag der vi kan vere saman og ha ei stund der vi får kome med vår sorg, våre tårer og la kyrkjelyden ta del i alt dette gjennom å tenne lys, forbøn, liturgi, preike og song. Våre kjære salmar er skrivne av forfattarar som har røynt kva sorg og sakn er. Dei greier å seie det slik at vi kjenner oss att i orda og kan bruke dei som våre eigne.

Jonas Dahl seier noko av det mange kjenner på:

*Vi tenker hver på våre
og stille signer dem.
Vi tørrer savnets tåre
og ser mot gjensyn frem.*

Asbjørg Apalset



Utan ungdom stoppar kyrkja!

Er det sant? Ja, utan at vi har yngre med oss vil vi som kyrkje steg for steg bli forgubba og miste kraft og pågangsmot til å møte nye utfordringar. Den norske kyrkja er ei folkekyrkje og då er unge folk like viktige som barn, vaksne og eldre. Holdningar og livsstil vert forma av media og molar. Som kyrkje er vi på mange måtar ein *motkultur* i samfunnet. Etter mitt syn strevar vi med å finne arenaer for samtale og kontakt med ungdomsgenerasjonen. Lat meg prøve meg på ei *målsetjing*.

Målet må vere ei kyrkje med rom for unge:

- som leitar etter tru,
- som trur og ønskjer å søkje nærmere trua sitt sentrum - Jesus,
- som vil gjøre ein innsats for å ta vare på Guds grøne jord og fremje rettferdi i verda.

Kva syns du om desse tre måla? - noko du saknar? Kva vil DU seie bør vere målet for ei kyrkje som tek unge på alvor?

KVA MED GUDSTENESTA?

Som kristne treng vi den doble rørsla: *inn* til trua sine kjelder for å ause liv og kraft og *ut* i teneste for andre. Desse to rørslene møtest i gudstenesta. Der stig vi framfor Guds ansikt og tek imot hans gåver i Ordet og sakramenta. Vi møtest til fellesskap i bøn og lovesong. Så vert vi sende ut i kvardagen for å tene Herren med glede.

Er det slik vi har det i kyrkjelydane våre? På sitt beste, trur eg mange kan svare *ja*, men på det jamne kan det hende mange av de unge i beste fall svarer *tja*. Vi som er ofte i kyrkja registrerer at det i fleire av sokna er få unge over kon-

firmasjonsalder på vanlege gudstenesster. Kvifor?

Kan vi som jobbar i kyrkja gjøre noko saman med dykk unge for at gudstenesta søndag blir ein stad der de får noko for trua og livet frå mandag til laurdag?

Eg trur vi vaksne med ansvar i kyrkja treng "lyttepostar" for å høre kva spørsmål de unge stiller om tru og tvil - og kva de søker og lengtar etter. Kva ønskjer de å få del i når de kjem til kyrkje? Og kva de vil høre meir om frå Guds ord? I konfirmantarbeidet har vi ein slik lyttepost, men kva med kontakten når de er 18 og myndige? Enn om vi kan kome saman for å lytte, dele ønskje og erfaringar og saman leite etter vegen vidare...

Sist, men ikkje minst:

- Det skjer ein heil del på ungdomsfronten i Gloppe i haust!

Ungdomsarbeidet Helge Hafssås er aktiv og står på med nye tiltak som *nattcafé laurdag kveld* på Sandane bedehus. Han er også med og fører vidare arbeid som er i gang: - t.d. *Ope Hus* i arbeidskyrkja - der også *Joy Sing* er i sving og *ungdomsklubb* i Hyen annan kvar torsdagskveld.

I november skal det vere *prostevistas* i Gloppe. Då har ein valt å setje ungdomsarbeidet på dagsorden. *Torsdag 16. november vert det inspirasjonskveld i Arbeidskyrkja med temaet: Ung i kyrkja. Innleiing ved stiftskapellan Helge Taranrod..* Han har ført vore krinssekretær for *KFUK-KFUM i Sunnfjord*. Her er ein flott anledning til å snakke om situasjonen for dykk unge i kyrkjelydane!

H. Forland

Helgemesse-søndag 2000

Allehelgens dag eller helgemesse-søndag er markert med gudstener i alle kyrkjene i Gloppe.

Haustumrøket blir stadig tyngre og djupare. Eit lysglimt ser vi i desember med solsnu og jul. Hadde det ikkje vore for jula med sine førebuingar, hadde november og desember vore tunge å kome gjennom for mange.

Men for nokre gjer nettopp jul og førebuingane desember til ein månad ein gruar seg til. Jula er heimen si høgtid på ein spesiell måte. For nokre har livet - ja, verda - blitt anmleis sidan sist jul. Det som var umisseleg, er tapt. Og ein kjenner tapet og tomrommet ekstra sterkt no i mørketida.

Sorga og kjærleiken høyrer saman som mynt og krone. Tek vi imot den gåva det er å få vere glad i ein annan, tek vi også imot sorga.

Helgemesse-søndag terner vi andre lys i kyrkja enn dei vi skal tenne ved jul. Vi skal den dagen tenne eit lys for kvar einskild av dei som har gått bort sidan siste helgemesse-søndag og minnast dei med namn. Vi terner lys for for dei som var lys for oss. Og lysa minner oss og om Han som er ljoset i verda. Han er vona når all anna von er borte, han som sa at «kvar den som trur på meg, skal leve om han så døyr».

Helgemesse-søndag er ein spesiell dag, ein dag vi vedkjenner oss vår sorg. Vi ser vegen vidare går gjennom sorga og ikkje utanom, ein lang veg, men den går til Gud med

Framhald side 10

Så er leiren over for i år, heldigvis og dessverre.

Heldigvis - for det blir lite søvn. Dessverre - for det er så kjekt og vi skulle så gjerne hatt ein leir til ... Det er eit godt privilegium for oss som får vere med konfirmantane på leir kvart år.

Reisemålet er Nesholmen og konfirmantane frå heile Gloppe samlast der til alvor, og til leik og moro. På Nesholmen er det god plass både ute og inne til mange aktivitetar av ulikt slag. I år var 61 9.-klassingar med på leiren.

Gjennom idrett, fotball-cup, bibelttime, sporleik, fellesskap rundt måltida m.m. vart vi


«rista» godt i hop. Laurdag sytte konfirmanthane sjølve for 2 ½ time underhaldning, med program like frå framföring av sjølvskrivne songar, leikar, konkurransar, utkledning. Ein dyktig gjeng. Dei laga og bøner som vart nutta under gudstenesta i Hyen kyrkje søndagen. Og 8 jenter øvde inn ein song som dei framførte under gudstenesta ...

Hjarteleg takk til dei som hjalp til på leiren. Og sist, men ikkje minst, takk til konfirmantane for ein fin leir.

M.S.R.



Frå gudstenesta i Hye-kyrkja.



1




2



3



4



5

Dåve-Karolina, nær 100 år

Breimningane er eit sterkt folkeslag. Med dei eldste her no er Karolina N. Moldestad, som fyller 100 år 8. april. Ho bur for tida i sokkel-etasjen på Gloppen sjukeheim.

Helsa er bra, og vi får oss ein prat om gamle dagar.

- Eg vaks opp på Bjørnerheim i ein syskenflokk på sju, fortel Karolina. - I den tida måtte vi tidleg ut og tene, for mat og klede. Berre seks år gamal bar det til Sandal for å vere barnejente til Inga og Reiel.

- Eg var ikkje mykje eldre enn dei; og eg tok ansvaret alvorleg. Lengta heimatt gjorde eg òg. Mang ein kveld vart puta våt av tårer. Men det kom seg litt etter kvart! Dessutan fekk eg no reise heim i 7 års-alderen og gå på skulen.

- Hadde du lang skuleveg?

- Nei, skulehuset var på Bjørnerheim, like ved heimen vår. Kristi Myklebust og Arne Hunskåra var dugande lærarar. Vi hadde elles respekt både for lærarane og presten i den tida.

Konfirmant-timane var i kyrkja på Reed, med Røldal som prest. Han spurde alltid gutane først i leksa. Fadervår måtte vi alle kunne ordrett. Og salme- og bibelvers hadde vi i heimelekse. Den sommaren var eg budeie på Støyva-støylen.



Karolina Moldestad i godstolen på rommet sitt på Gloppen sjukeheim.

- Måtte du gå heilt derifrå og til Reed, og så tilbake same dag?

- Ja, men det var kjekt likevel å møte jamaldringar. Og salmeversa vi lærte, sit enno. Mellom anna «Å tenk

på Gud i ungdoms år, all vokster god må gro om vår ...».

Ungdomsåra gjekk fort. Med god ballast frå heim, skule og kyrkje bar det til Oslo. Seinare gjekk ferda til Ulvik i Hardanger, på hage-

brukskulen der. Eg var interessert i alt som kunne vekse og gro. Så eg dyrka grønsaker og planta frukttrær. Etter kvart kom det mange kundar og handla, så dette treivst eg med!

- Kvar tid møtte du han som var mannen din, då?

- Eg hadde tenkt å leve livet åleine. Men David, granneguten, var ein kjekk og pålitelig kar, veit du, smiler Karolina. - Vi gifte oss og tok over garden på Moldestad. Borna vår er Synneva, Anne og Jon. No er eg oldemor til tre øg.

- Vi minnest at du hadde fleire tillitsverv i bygda. Mellom anna var du leiar i bondkvinnelaget.

- Det var i den tida fra Thasgård var fylkesleiar, så eg hadde henne å rádføre med meg i viktige saker. Det vart som det skulle, det òg.

- Du har vel hatt god helse, sidan du hår nådd så høg alder?

- Det har vore litt av kvart å stri med. Men eg har tru og tillit til Jesus Kristus. Det gjev levedagane meinung og gjev tryggleik framfor døden og. Opplever eg 100 års-dagen, skal den feirast på Moldestad.

Vi takkar for praten og ynskjer lukke til!

Jorunn

«Solstrålen» 101 år gammal

Både i sofakroken og kring det runde bordet i stova til Oddrunn Austrheim var det fullsett av born då underskrivne var på vitjing hjå Solstrålen barneforeining. I alt 15 møtte fram, 7 gutter og 8 jenter. På borda låg alle sangbøkene opne på sangen «Sett deg for et hellig mål». - Denne songen startar vi alle møte med, fortel Alvild Klakegg, ei av leiarane i Solstrålen. Etter songen bad Alvild for borna og og foreiningsmøtet.

Det var verkeleg ein flott gjeng å vere saman med. Dei hadde humøret i orden. Det var smil og lätt, men også ro og konseksjon når det var tid for det. Borna er frå 5 til 12 år gamle, men fann seg vel til rette i lag sjølv om aldersskilnaden er stor. Dei imponerte med songen sin. Her var det verkeleg songarglede.

- Songbøkene kjøpte vi for dei første kulturpengane vi fekk, fortel Oddrunn, - men no er dei mest utslitne.

På kvart møte vert det sendt rundt misjonsbøsse. Alle legg pengar i den. Solstrålen har fadderbarn i Hong Kong. Pengane vert brukte til å halde born på skule. Barneforeininga er alltid med på den årlege basaren for Norsk Lutherisk Misjonssamband. I fjor gav dei 2500 kroner til misjonen og faddergorna sine.

Eit populært innslag på foreininga er utloddning. Alle har med gevinst. Det er høgtideleg trekking, og alle vinn. Fast på programmet er matpausen. Oddrunn hadde koka kakao til borna. Praten gjekk livleg kring borda i stova. I pausen fekk vi vaksne kaffi, kaker og ein prat på kjøkenet.

- Det var Agathe Austrheim som starta foreininga i 1899, fortel Alvild og Oddrunn. - Den er såleis 101 år gammal.



Barneforeininga «Solstrålen» på Austrheim

Dei starta på same garden som foreininga er på i dag. Seinare var Eli J. Haage leiar. Synnøve Landstad var og med ei tid. Dei siste 32 åra har Alvild Klakegg og Oddrunn Austrheim halde på med foreininga. I 17 år har dei hatt møte i heimen til Oddrunn kvar 14. dag. Til tider har det vore opp til 30 born i stova på Austrheim. Frå starten var det berre jenter med, men frå 1972 fekk også gutane kome. Det er kjekt å ha dei med.

- Det er viktig å samle born om det gode, seier leiarane. - Det er så mykje som riv ned i vår tid. Hovudsaka er å gjie dei kristne verdiar. Vi lærer dei fine

songar og å vera glad i misjonen. Det er ein fin flokk. Vi blir så glad i dei. Vi tenkjer på dei som har vore med før og. Vi bed for dei også etter at dei er vaksne. Og så kjenner vi velsigning av å vere med i dette arbeidet. Vi er så glade for at foreldra sender borna hit. Dei både bringar og hentar, seier Oddrunn og Alvild.

Matykt er over både på kjøkenet og i stova. Oddrunn avsluttar foreininga med andakt. Vi bad Fadervår saman og song den songen dei alltid brukar til slutt: «Tett ved sida mi går Jesus, alltid vil han vere der».

Oddlaug Vereide

Nytt frå Fjordly omsorg- og retreatsenter

Det er ikkje nytt at "Fjordly Omsorg-og Retreatsenter" - FOR - tek imot gjester som treng å bearbeide noko i kvardagen. Men kanskje er det likevel nytt for deg at FOR tilbyr omsorg og rekreasjon i ulike livssituasjonar? Tek du kontakt med senteret møter du gjerne ein av dei tilsette: Jorunn Glomnes (dagleg leiar), Olaug Aa, Rigmor Navekvien eller Turid Lillebø. Fleire frivillege gjer også ein stor innsats t.d. med arbeid på kjøkkenet.

Men nytt i haust er programmet for arbeidsåret 2000/2001. Vi nemner nokre aktuelle arrangement framover:

1.-3. desember "adventsretreat" ved Sigrun Berge Raae og Jorunn Glomnes.

9.-11.februar 2001 Bibelhelg i retreatramme ved Martin Omdal.

23.-25. februar Mariahelg. "Skjønnhet og ettertanke" gjennom bildande kunst, symbol, dikt og tekstar ved Britt Randi Hegghheim, Eli in Djupvik og Jorunn Glomnes

9.-11.mars "Mannen i Guds plan" ved Asbjørn Gjengedal og Harald Forland

Meir informasjon i brosjyre. Som de ser eit variert program, men i tiden mellom dei oppsette arrangementa er senteret ope for gjester

med ulike behov, med høve til samtal. FOR ligg som ein oase ved sjøkanten med rikeleg høve til å bruke naturen.

Nytt av året er også det nye styret. Formann er Alv O. Bergset frå Blaksæter og Stryn - det borgar for kristen og samfunnsmessig tyngde i arbeidet med å føre FOR vidare i eit nytt tusenår. Med seg i styret har han: Johanna Skogli, Olden, Reidun Reed, Måløy, Harald Forland, Breim, og Jorunn Glomnes, dei tilsette sin representant.

Det er ikkje nytt av FOR tek imot grupper til ulike typer arrangement, med eller utan overnatting, men kanskje du ikkje visste dette? Her er tilrettelagte lokale for åndeloge og sosiale behov med kapell, loftstove og daglegstove og plass til 8-10 gjester i enkelt- og dobbeltrom med god standard. Skal de安排re stabskurs, soknerådstur, medarbeidarsamling, foreningsweekend, osv. Ta kontakt og undersøk kva FOR kan tilby. Telefon 57 85 34 25. Vi minner også om at FOR er heilt avhengig av gåver og støtte til arbeidet.

Velkommen til Fjordly omsorg- og retreatsenter, Bryggja!

H. Forland

Johann Sebastian Bach
(1685 - 1750)
eit 250 års-minne



Serien med musikk
av Johann Sebastian Bach
ved gudstenestene held fram

Breim kyrkje

26.11.: Wo soll ich fliehen hin.

Vereide kyrkje

- 5.11.: Kantate nr. 106.
- 19.11.: Prelodium og fuge i B-dur.
- 3.12.: Wo soll ich fliehen hin.
- 24.12.: In dulci jubilo.
- 25.12.: Prelodium og fuge i D-dur.

Arbeidskyrkja

24.12.: Pastorale (1. og 2. sats)



Heidi
Djupvik

Heidi Djupvik, 23 år gammal og frå Sandane, går for tida på GÅ UT SENTERET, Santalmisjonens bibelskule i Hurdal. Denne skulen rekrutterer mi-

Frå Sandane til Nepal

sjonærar og søker å auke interessa for misjon. I fem månader dette skuleåret skal ho vere i Nepal, eit fjell-land i Asia. Der skal ho, som frå før er utdanna før-skuelærar, arbeide på eit dagsenter for psykisk utviklingshemma. Heidi er ei jente med tæl, og ho ser fram til alle utfordringane som ligg framfor henne. Nepal er og eit land som kan gi mange spanande opplevingar.

Heidi ber om forbøn og lovar å halde oss orientert om arbeidet. Kanskje kjem

det eit brev i julenummeret

Vi ynskjer Heidi god tur til Nepal!

Det er interessant for oss glopparar å følgje med i kvar ungdommen vår reiser eller buset seg. Nokre vert verande i Gloppen, andre fer til nabokommunar, andre fer vidare

Kanskje vi skulle hugse på dei alle i forbøn for dei utdanningsval, dei yrkesval og busettingsval dei må gjere? Og kanskje vi kan få høre frå nokre av dei?

M.S.R.

Glimt frå NATTCAFÉ

Det har vore nattcafé i Bedehuset på Sandane fire gonger denne hausten. Nattcaféen er lagt til laurdagskvelden, og den nytilsette ungdomsarbeidaren Helge Hafsaas er sentral i arbeidet med den.

Omlag 30 ungdomar ser innom Nattcaféen kvar gong. Ein kan spele spel, prate, kjøpe seg pizza eller brus. Nattcaféen er open annankvar laurdag, og to-tre vaksne er engasjert kvar gong.

På biletet ser vi frå venstre; Vivianne Alme, Anders Myklebost, Åsmund Ommedal, ungdomsarbeidaren Helge Hafsaas og Vegard Tennebø i samtale kring eit spel.





FAMILIE- NYTT

DØYPTE Vereide

24.09. Sofie Kvernevik.

Fadrar: Jorunn Melseter, Jon Arne Kvernevik, Svein Hauge, Mariann Hauge.

01.10. Kristoffer Solbakke Fure.

Fadrar: Kenneth Fure, Morten Fure, Heidi Beate Solbakke, Ann Kristin Martinsen, Frode Denk, Marianne Hjartholm.

01.10. Sivert Johan Gimmestad.

Fadrar: Trude Mardal, Jo Inge Solberg, Anniken Støylen, Janne Alander, Jonas Alander.

01.10. Elias Voll.

Fadrar: Eli Voll, Peder Voll, Lena Utøy, Ståle Almenning.

22.10. Kristoffer August Vereide.

Fadrar: Oddfrid Vereide, Kristian Nave, Inga Moritsgård, Nils Moritsgård, Jolanta Jimenez, Rod Rigo Jimenez.

Gimmestad

15.10. Oda Kristine Malones.

Fadrar: Willy Bergsnes, Trine Ringseth, Kjetil Malones, Lilljan Nilsen.

Hyen

13.08. Per Inge Straume.

Fadrar: Turid Holen, Terje Redal, Lillian Holme, Bertel Oddne Mjellem.

08.10. Bendik Johan Grønningen Aa.

Fadrar: Borgny Haug Aa, Britt Standal, Elin Standal, Asbjørg Hausken Vikingstad, Kjell Aa.

Breim

24.09. Kristi Skinlo Øvreseeth.

Fadrar: Mariann Berge, Bjørn Åge Berge, Per Øvreseeth, Britt Johanne Thomassen, Eli Øvreseeth, Terje Hundere.

24.09. Vilde Sårheim.

Fadrar: Ingegerd Sårheim, Randi Sårheim, Lars Bergheim, Evy Bergheim, Bente Susanne Frøystad Hilde, Rolf Erlend Hilde.

01.10. Martin Midtkandal.

Fadrar: Else Karin Nybø, Helga Midtkandal, Rune Midtkandal, Irene Skalle Skarshaug.

EKTEVIGDE Breim

09.09. Kåre Hetle og Jannike Felde.

JORDFESTE

Vereide

18.09. Sofia Fjellestad f. 06.07. 1921

25.09. Cecilie Schei Hansen f. 06.10. 1981

14.10. Arthur Andenes f. 20.01. 1923

Retting frå forrige nr.:

27.07. Olina Hansen f. 22.12. 1914

Hyen

19.09. Matias Rasmus Solheim f. 14.05. 1904

Breim

20.09. Anne Britt Sørensen f. 30.05. 1958

29.09. Ove Kåre Flølo f. 01.04. 1963

10.10. Astrid Hjelle f. 28.11. 1910

Framhald frå side 3

våre såre sakin og bed han fylle oss med si sterke trøyst.

Gud er trøysta sin Gud også no, fordi han alltid er vona sin Gud.

Helgemessesøndag er ein dag med lys og von midt i mørket, ein dag å varme seg på til den tida som kjem. Til gudstenesta den dagen vil eg gjerne nå fram med eit varmt velkommen til dei som det siste året har stått ved ei open gav og gråte.

*Gi håpet rom i denne tid
hvor langt du enn er nede!
Hos dem som taper i sin strid,
er Herren skult til stede.
Ved Kristi verk skal du bli sterkt
og hvile i Guds fremtid.*

O.S.G.

Lopper

Skal du rydde til jul? Vi tek imot lopper og auksjonsvarer.

Økonominemnda for Arbeidskyrkja

Konfirmasjonsdatoar år 2001

13. mai: Breim kyrkje

24. mai: Gimmestad kyrkje

27. mai: Vereide kyrkje

4. juni: Hyen kyrkje

Det var attgløynt

ei heilt ny dongeribukse i ein plastpose på standen til loppemarknaden under Sandane-dagane i år.

Eigar kan vende seg til kyrkjelydskontoret, tlf. 57 86 53 17.

Oddvar Torsheims utstilling: Teologiske bilet

er open

30. oktober - 11. november.

Måndag - fredag kl. 17 - 20
Laurdag og søndag kl. 15 - 18

Stad: Arbeidskyrkja

GLOPPEN GRAVFERDSBYRÅ

Kyrkjelydane sitt byrå

Kontor i Hendenbygget, 2. etasje,
tlf. 57 86 57 70. Mobil tlf. 917 20 420

Tilsette:

Johannes Nedrebø, tlf. 57 86 93 86.
Oddlaug Vereide, tlf. 57 86 54 48.

KYRKJEBLAD FOR GLOPPEN PRESTEGJELD

Utgjeve av sokneråda i Vereide,
Breim, Gimmestad og Hyen.

Kjem ut 10 gonger i året
på Sandane. Betaling etter
ønskje.

Redaksjonen:

Marie Sælensminde Rygg,
Jorunn Eide, Oddlaug Vereide,
Ola Jan Birkeland, Kåre Holvik,
sokneprest Olaf Sigurd
Gundersen, kapellan Harald
Forland.

Kyrkjebladsssekretær:
Marie Sælensminde Rygg.

Layout:
Anders Rinde.

Kasserar:

Johs. Klungrehaug,
6823 Sandane
Postgiro 0804 3416872.

GLOPPEN PRESTEGJELD

Sokneprest

Olaf Sigurd Gundersen,
Vereide, 6823 Sandane. Tlf. 57 86 93
85. Mobil 951 36 059.
Prestekontoret er ope heile veka.

Kapellan Harald Forland

Hovden, 6826 Breim
Tlf. 57 86 82 20.
Mobil: 917 77 473
Fast kontortid:
Tysdag kl. 09.00–11.00
Onsdag kl. 16.30–18.00.
Elles trefftid etter avtale.
Måndag er fridag.

Prostiprest Asbjørn Gjengedal

Porsvegen 1, Sandane.
Tlf. 57 86 66 78.
Mobiltelefon 901 73 631

Kyrkjelydsekretær:

Marie Sælensminde Rygg.
Postboks 272, 6821 Sandane
Kyrkjelydkontoret 57 86 53 17.
Mobil tlf. 995 48 812
(Hendenbygget). Kontortid:
Onsdag 9–14, fredag 9–13.

Soknediakon:

Inger Johanne Grini.
Pb. 258, 6821 Sandane
Kontor i Arbeidskyrkja.
Tlf. 57 86 65 27.
Kontortid: Torsdag 12.00–16.00
Onsdag 14.30–17.00.
Tlf. privat: 57 86 26 30.

Ungdomsarbeidar:

Helge Hafsås
Kontortid måndag 8.00–15.30.
Telefon: 57 86 56 47
Mobil tlf.: 971 79 268.

Kyrkjeverje:

Oddbjørn Almenning
Kontortid i Arbeidskyrkja
kl. 08.00–15.00.
Tlf. kontor: 57 86 56 16.
Mobil: 959 72 140
Fax: 57 86 56 47.

GLOPPEN PRESTEGJELD

VEREIDE SOKN

Klokkar: Oddlaug Vereide,
tlf. 57 86 54 48.
Formann i soknerådet:
Maria Lunestedt, tlf. 57 86 54 19.
Organist: Anders Rinde,
tlf. 57 86 93 01.
Vereide kyrkje, tlf. 57 86 93 06.
Kyrkjetenar: Bård Vereide
tlf. 57 86 93 24, mobil 905 16 379.
Gravar: Ivar Hjelle, tlf. 57 86 58 59.

BREIM SOKN

Klokkar: Maria Seim,
tlf. 57 86 81 87
Formann i soknerådet:
Norvald Gjengedal,
tlf. 57 86 81 76
Kyrkjetenar: Anders Bjørnereim,
tlf. 57 86 74 22.
Organist: Anders Rinde,
tlf. 57 86 93 01.
Kyrkjegardsarbeidar: Jon Gåsemyr,
tlf. 57 86 71 28.
Gravar: Ivar Hjelle, tlf. 57 86 58 59.

GIMMESTAD SOKN

Klokkar: Arne Jostein Gimmestad
tlf. 57 86 78 73.
Organist: Per Mardal, tlf. 57 86 58 89.
Formann i soknerådet: Marie Sælens-
minde Rygg, tlf. 57 86 77 15.
Kyrkjetenar: Inghild Bakketun,
tlf. 57 86 57 14.
Kyrkjegardsarbeidar: Kjell Mardal,
tlf. 57 86 57 12.

HYEN SOKN

Klokkar: Martin Ø. Ommelal,
tlf. 57 86 90 37.
Organist: Sivert Aa, tlf. 57 86 98 56.
Kyrkjetenar: Jakob Holmestrand,
tlf. 57 86 98 48.
Formann i soknerådet:
Borgny Haug Aa, tlf. 57 86 98 56.

Vi møtest i kyrkja

03.11.	Fredag	kl. 16.00	Gloppen sjukeheim	Nattverdsgudsteneste. Olaf Sig. Gundersen.
03.11.	Fredag	kl. 20.00	GIMMESTAD	Konsert. Rygg Songlag. Distriktsmusikarar.
05.11.	Helgemessesøndag Matt. 5, 13-16	kl. 11.00	GIMMESTAD	Salmar samla frå Gloppen v/ O. Ryssdal.
		kl. 11.00	BREIM	Høgmesse. Olaf Sig. Gundersen. Nattverd.
		kl. 20.00	VEREIDE	Høgmesse. Harald Forland. Nattverd.
		kl. 20.00	HYEN	Allehelgensmesse. Olaf Sig. Gundersen. Nattverd. Vereide kyrkjekor.
12.11.	22. s.e. pinse Rom. 8, 31-39	kl. 11.00	HYEN	Kveldsgudsteneste. Harald Forland. Nattverd.
		kl. 20.30	ARBEIDSKYRKJA	Høgmesse. Olaf Sig. Gundersen. Offer: Prostirådet.
19.11.	23. s.e. pinse Matt. 18, 15-20	kl. 11.00	VEREIDE	Gospelnight. Olaf Sig. Gundersen. Helge Hafsås. Nattverd.
26.11.	Siste s. i kyrkjeåret Matt. 25, 1-13.	kl. 11.00	ARBEIDSKYRKJA	Joy Sing - Frisk Pris - Lompa Lovsongsteam.
01.12.	Fredag	kl. 20.00	BREIM	Høgmesse. Rolf Schanke Eikum. Olaf Sig. Gundersen.
03.12.	1. s. i advent Matt. 21, 1-9	kl. 20.00	GIMMESTAD	Harald Forland. Nattverd. Offer:
		kl. 11.00	VEREIDE	Familiegudsteneste. Harald Forland. Familiekorset.
		kl. 11.00	BREIM	Lysmesse. Harald Forland. Konfirmantane i Breim. Offer: NKSS.
		kl. 20.00	GIMMESTAD	Julekonsert. Distriktsmusikarane, Rygg skule, Rygg Songlag,
10.12.	2. s. i advent Mark. 1, 14-15	kl. 11.00	GIMMESTAD	Sandane Skulekorps.
		kl. 20.00	HYEN	Familiegudsteneste. Olaf Sig. Gundersen. Utdeling av
		kl. 20.00	VEREIDE	«Mi eiga kyrkjebok» til 4-åringane. Offer: Kyrkjelydsarbeidet.
		kl. 11.00	HYEN	Familiegudsteneste. Harald Forland. Utdeling av «Mi eiga kyrkjebok»
		kl. 20.00	GIMMESTAD	til 4-åringane. Song av Breim Barnegospel. Offer: Søndagsskullearb.
17.12.	3. s. i advent Matt. 11, 2-10	kl. 20.00	HYEN	i Gloppen/Sogn og Fjordane.
		kl. 20.00	VEREIDE	Lysmesse. Olaf Sig. Gundersen. Konfirmantane i Gimmestad og
		kl. 11.00	HYEN	Vereide tek del. Offer: Concordia/Fakkelen, NKSS.
		kl. 11.00	HESTENESØYRA	Familiegudsteneste. Olaf Sig. Gundersen. Utdeling av «Mi eiga
		kl. 20.00	BREIM	kyrkjebok» til 4-åringane. Offer: Kyrkjelydsarbeidet.
19.12.	Tysdag	kl. 20.00	HYEN	Kyrkjebrus og kaffi.
21.12.	Torsdag	kl. 20.00	VEREIDE	Lysmesse. Olaf Sig. Gundersen. Konfirmantane og Hyen skule
		kl. 20.00	HYEN	tek del. Offer: Aksjon Håp.
		kl. 11.00	HESTENESØYRA	Juleoratoriet. Førde Kammerkor. Sogn og Fjordane Kammerorkester
		kl. 20.00	BREIM	Familiegudsteneste. Olaf Sig. Gundersen. Utdeling av «Mi eiga
		kl. 20.00	HYEN	kyrkjebok» til 4-åringane. Offer: Fellesrådet for søndagsskulane
		kl. 20.00	VEREIDE	i Gloppen/søndagsskulekrinsen.
		kl. 20.00	HYEN	Gudsteneste. Harald Forland. Offer: KFUK/KFUM.
		kl. 20.00	VEREIDE	Julekonsert. Andakt: Harald Forland.
		kl. 20.00	HYEN	Julekonsert. Distriktsmusikarane. Harald Forland.
		kl. 20.00	VEREIDE	Offer: KFUK/KFUM.
		kl. 20.00	HYEN	Julekonsert. Asbjørn Gjengedal. Vereide kyrkjekor. Gloppen Jentekor,
		kl. 20.00	VEREIDE	Austrheim Mannskor, Gloppen Janitsjar.